


Vischnaunca dad Obersaxen Mundaun



Lescha d'ustria

Cuntegn

Cumpetenzza	Art. 1
Survigilanza	Art. 2
Obligaziun da dumandar lubientscha	Art. 3
Adressa da lubientscha, cundiziuns	Art. 4
Cuoz dalla lubientscha	Art. 5
Pretensiuns	Art. 6
Scadenza dalla lubientscha	Art. 7
Uras d'avertura	Art. 8
Occurrenzas da divertiment	Art. 9
Dancings, varietés, discotecas, nightclubs	Art. 10
Interrupziuns	Art. 11
Taxas e cuosts	Art. 12
Disposiziuns penalas	Art. 13
Obligaziun d'annunzia	Art. 14
Commerci en detagl cun vinars	Art. 15
Damondas	Art. 16
Mieds giuridics	Art. 17
Abrogaziun dalla legislaziun veglia	Art. 18

En applicaziun dalla Lescha d'ustria per il cantun Grischun (LU) dils 07-06-1998

Art. 1

Cumpetenzza La suprastonza communal ei l'autoridad cumpetenta per ils menaschis d'ustria. Ella ei cumpetenta da dar e da retrer la lubientscha tenor la LU.

Art. 2

Survigilonza La suprastonza communal controllescha che las ustrias setegnien vid las disposiziuns legalas e survigilescha era il commerci en detagl ed il commerci mesaun cun bubrondas alcoholicas buca barschadas. Ella s'occupescha dallas incumbensas ch'ei buca surdadas tras determinaziun explicita ad in'otra istanza.

Art. 3

Obligaziun da duman- Ina lubientscha ei necessaria per:
dar lubientscha a) scadin albiert ed alloschi professiunal;
b) vendita da bubrondas;
c) vendita da spisas cuschinadas, purtadas ni furnidas sez ch'ei suttamessas alla lescha da victualias, seigi quei ina gada ni regularmein;
d) vendita da bubrondas alcoholicas per consumar el liug;
e) metter a disposiziun loghens e localitads per il consum da bubrondas alcoholicas;
f) vender professiunalmein bubrondas alcoholicas en in spazi privat e serrau.

Per survir vinars e destilats drova ei ina lubientscha cantunala tenor artechel 12 ss. dalla LU.

Art. 4

Adressa da lubien- La lubientscha vegn concedida ad ina persuna ch'ei habla d'agir, la
tscha, cundiziuns quala ei responsabla pil menaschi ni l'occurrenza e garantescha ch'il menaschi ni l'occurrenza vegnien menai da maniera irreproschabla ed incontestabla ord vesta dalla polizia.
Persunas che fan ina damonda per ina lubientscha han da confirmar cun suttascripziun ch'ellas han priu notizia dallas disposiziuns relativs dalla vischnaunca e dil Cantun.

Art. 5

Cuoz dalla lubientscha La lubientscha per menaschis vala per in temps illimitau.
La lubientscha per occurrenzas ei limitada.

Art. 6

Pretensiuns Il possessur dalla lubientscha ei responsabels per la protecziun dalla giuventetgna e per il manteniment dil ruaus, digl uorden e dalla segirtad publica. Ils organs cumpetents han, sche necessari, da porscher il sustegn duiu al possessur dalla lubientscha.

Art. 7

Scadenza dalla lubientscha La lubientscha scada:
a) cun la mort, ni sche la persuna che ha retschiert la lubientscha desista da quella;
b) cun liquidar il menaschi;
c) cun prender naven la lubientscha.

Art. 8

Uras d'avertura Ils menaschis d'ustria san fixar lur temps d'avertura e da serrada tenor agen pareri.

Art. 9

Occurrenzas da divertiment Mintga uniun cun sedia ella vischnaunca ha il dretg a lubientschas per atgnas occurrenzas da divertiment. Ei restan resalvadas las disposiziuns dalla Lescha cantunala davart ils dis da ruaus.

Art. 10

Dancings, varietés, discotecas, nightclubs Per persunas che visetan dancings e discotecas vala la vegliadetgna minimala da 16 onns.

A giuvenils sut 18 onns eis ei scumandau d'entrar en varietés e nightclubs.

Art. 11

Interrupziuns Davart interrupziuns dalla gestiun dil menaschi decida la suprastanza communal en connex cun la lubientscha dil commerci en detagl e cun la permissiun da vendita.

	Art. 12
Taxas e cuosts	<p>Per curclar ils cuosts d'elaborar la damonda e conceder la lubientscha vegn incassau ina taxa. La suprastanza communal definescha l'altezia da quella.</p> <p>La taxa ei da pagar cun la retschevida dalla lubientscha.</p>
	Art. 13
Disposiziuns penalas	<p>Cuntenvenziuns e surpassaments da quellas disposiziuns e dalla LU castigia l'autoridad communal cumpetenta cun multas tochen 10'000 francs, quei aschinavon ch'ei vegn buca applicau las disposiziuns penalas dalla legislaziun federala.</p> <p>El cass d'engurdientscha ei l'autoridad che decida buca ligiada vid la summa maximala da 10'000 francs. En cass specialmein levs sa vegnir pronunziau in'admoniziun.</p>
	Art. 14
Obligaziun d'annunzia	<p>Tgi che dat dimora encunter pagament a persunas digl exterior ei obligaus da garantir che talas empleneshien il formular d'annunzia official.</p>
	Art. 15
Commerci en detagl cun vinars	<p>La concessiun dalla lubientscha per il commerci en detagl cun vinars ei caussa dil Cantun e vegn applicada tenor la LU.</p>
	Art. 16
Damondas	<p>Damondas per l'emprema concessiun d'ina lubientscha per il commerci en detagl ni d'ina lubientscha da survir vinars ein d'inoltrar ad uras al Cantun cun il formular official avon ch'entscheiver l'activitad d'ustria.</p> <p>Il formular sa vegnir retratgs tier la vischnaunca ed ei d'inoltrar agl uffeci cantunal per la segirtad da victualias e per la sanadad d'animals.</p>
	Art. 17
Mieds giuridics	<p>Encunter disposiziuns dalla suprastanza communal sa vegnir recurriu enteifer 30 dis alla Dertgira administrativa dil cantun Grischun.</p>

Art. 18

Abrogaziun dalla
legislaziun veglia

Questa lescha entra en vigur ils 24 da zercladur 2016 cun sia
approbaziun entras la radunonza communal.
Sin quei termin vegnan abrogadas tuttas disposiziuns che stattan en
cuntradicziun cun ella.

Il president communal

Ernst Sax

Il scarvon communal

Hiazint Brunold